

Tu bibi ni rnity



Tu nanii gupba ziaandux ra bibi rmos, ne laaba adbidigadiba cuend bzulo rialdeequy tuma laan guill ni rau ra man.

Ne tu dxi bzubiba blabiba laarama, chií gucbéba nady tuma. Chiínii breeba zetilybama yuu pur yuu, rumba: "bi-bi-bi-bi", rbidxbama zeba.



Glo li xmalyba guba, ne chi bidximba ro lee, guníba:

—iMaly, maly! ¿Gaatizi adbireca tu bibicuny xteniia rolidxuu?

Maly bree ro lee, chíinii rapyba lo nanii:

—iAncdii, maly! Adchutbirecadii ro yuu.



Chi bidxinraba rot ri guill, rií bdxelraba laama guídxma, ne laa ra lliiniima ya cayach. "Bi-bi-bi-bi", run ra bibi bdóyii zub guiquyrama roo xílyma.

Chíinii bladesba gduguzan bibi zianebe ro liba. Rquitládxcacba, nicza adbidíba cuend laaba ya nap sturu guzan bibi.



Nanii cuaby:

—Adpaqui adbidigadiia cuend, per
nadxirí blabaa laarama ne axta na gucbía
nady stuma.

Chi bin llingwliidxba zii, chíinii rapyba:

—Ra bdó gun tu bibi guídx laan guill.
Yoo chobiiianuu donuu, adlaama níí.



Chi bin nanii zii, chíinii bnazba zeba
ladcay; "bi-bi-bi-bi", rbiidxbama zeba. Zii
bdximba ro xlee llimbalyba.

Chi bidximba ro lee, guníba:

—iLlimbaly, llimbaly! ¿Gaatizi adbireca
tu bibicuny xteniia roliidxuu?



Limbalyba bree ro lee, chíinii rapyba lo nanii:

—iAncdii, nambaly! Adchutbírecadii ro yuu.

Chi bin nanii zii, chíinii bnazba zeba ladcay; "bi-bi-bi-bi", rbídxbama zeba. Zii bdximba ro xlee llingwldixba.



Chi bídximba ro lee, guníba:

—iLliín, lliín! ¿Gaatizi adbireca tu bibicuny xteniia roldixuu?

Llingwldixba bree ro lee, chíinii rapyba lo nanii:

—iAncdii, nan! Adchutbírecadii ro yuu, ¿guclli bnityloma?